

und den Ueberrest by Meiner Ankhunfft den H. [Georg, Heinrich und Kaspar] Hessen
[alle Postmeister in Zürich?] Verohren".

Kopie, mit Glossen, wohl von Heinrich II. Zurlauben - AH 92, 116^V

31

1624 [November 11.] "sanct Martin des Heiligen Bischoffs
tag" A

SCHULDBRIEF, AUSGESTELLT VON JUNGHANS SEILER, GEN. MÄDER, VON
FISCHBACH, FÜR NIKLAUS HONEGGER, VON BREMGARTEN

"Jch Junghans Seiler genant Mäder zuo Vischbach Jm ampt Hermatschwyl,
Jnn Freyen ämptern des ergöuws gesessen, Bekenn öffentlich unnd thun
kunt meniglichem mit disem Brieff, das Jch von dem ... Herren Nic-
laus Honeggern, Burger unnd württen zum Engell zuo Bremgartenn ... also
baar Jngenommen unnd empfangenn hab, Namlich ... [200] guldin Jnn
müntz guter unverrüeffter Lucerner werschafft, Je unnd allwegenn, ...
[40] derselben schilling oder ... [20] Baselplaphart, an gmeiner
Landtlöuffiger müntz, für ein Jeden guldin gezelt und gerechnet, die
ich Jnn min anligende notturfft guoten kondtbaren nutz unnd frommen
bewendt hab. Darumb gelobenn unnd versprichenn Jch für mich unnd all
min erbenn, vorenantem Herren Niclaus Honeggern, sinen erbenn, unnd
Jnnhabern dis brieffs, von dato desselbenn über drüw Jar, wirt sin uff
sanct Martin des Heiligenn Bischoffs acht tag vor oder nach [dem
11. November], ungevarlich, man nach Christi geburt ... [1627] Zellet,
Sollich vorbeschribne ... [200] guldin Houptguot, widerumb also baar
unnd samenthafft, Gen Bremgarten Jnn die Statt zuo Jrenn gwüsenn si-
chern Handdenn unnd gwallte, gütlich unnd fründtlich uszerichtenn,
zuo andtwurten, zuo wären, zuo gebenn, unnd zuo bezallenn, Für all
stür, brüch, krieg, roub, acht, unnd baan, Ouch für allermeniglichs
uffnemen, verhefften, verpieten, unnd endtweeren, Ouch all ander wi-
derwertig Jnrysent zuofällig Zyt unnd sachenn, sonnder genntzlich unnd
gar one allen oberzelts Herrenn Niclaus Honeggers, aller siner erbenn
unnd Jnnhabern dis Brieffs costenn unnd schaden. Ob aber sach were,
das Jch unnd min erbenn über anbedingte drüw Jar, Obbemeltenn Houpt-
guots der ... [200] gulddinen, Jnn hienachvolgender form unnd gstatt
wytern beittag, uspettenn unnd erlangen möchten, das doch zuo Jnnha-
bern dis Brieffs freyen ungnöteten willen unnd gfallenn stad, Allsdann
so lang die bewilligung beschicht, Soll gegenwirtiger Brieff, Jnn
crefftenn bestan unnd plybenn.
Des alles zuo guoter sicherheit, so hab Jch hierumb zuo rechtem be-

hafftenn unnd verfangnen unnderpfandnt Jngesetzt, verschribenn, hafft unnd verbindtlich gemacht, Min mattenn Jst drüw manswerch gross, ob miner Hussmattenn gelegen, darzwüschent der Bach, stost oben ann die Lanndtstrass von Gösligkon gen Bremgartenn gath, andersyt an Heini [Seiler, gen.] Mädere Hussmatt, unnd ann mines Bruoder Jörg [Seiler, gen.] Mädere Zimmer Rein, dieselbig mattenn, Obgemellter Herr Niclaus Honegger sine erben, unnd Jnnhabere dis Brieffs, obbestimpte drüw Jarlang unnd Jedes Jars besonnders, für unnd umb den Zinse von obbeschribner Houptsumma, nutzenn, niessenn söllen unnd mögenn, on alle beschwert, Ouch one Jnntrag aller menigcluchs, Unnd daby Jch unnd min erbenn schuldig unnd verbunden sin söllent, die selbig mattenn, mit Zünen, sübern, unnd anderm Jnn ehrenn zuo erhalltenn, Jnn unserm eigenen costen unnd one Jnnhabern dis Brieffs schadenn.

Mit sollichem beding unnd Jnn dem rechtenn, wann Jch min erben unnd nachkommen, nach verfliessung obgeredter drüw Jarenn, wover deme nit wytern beittag erlangenn möchtenn, unnd unns die ablosung vorhin ankündt wirt, drüber sümig sin, unnd solliche ... [200] gulldin nit bezallen wurdent, wie sich das Jemmer füegte, Allsdann söllent unnd mögent, Obbemelter Herr Niclaus Honegger, sine erbenn, unnd Jnnhabere dis Brieffs, mich unnd mine erben, darumb mit recht fürnemen unnd bekümbere, darzuo obbeschribenn underpfande, mit aller gerechtigkeit, und so daran nit gnuog were, ander unser Haab und guote ligentz und vaarentz (doch eltern beschwerden one schadenn) nach des ampt Hermat-schwyls Grichts bruch unnd recht, angriffen, anlangen, vergandten, verkouffenn, verthrybenn, oder selbs zuo Jrenn eignen handen beziechen unnd nemen, Sovil unnd lang bis sy umb obgeschriben verfallen Houptguot, die ... [200] gulldin, mit sampt allem erlitnem costen unnd schaden, gantzlich usgericht unnd bezallt worden sind, one Jr entgelt nus. Vor dem allem, mich und all min erben, obbeschriben underpfandt, noch sonst kein ander unser Haab unnd guote, ligentz und vaarentz, überall gar nützit weder schützen noch schirmen sol, alles gethrüwlich und ungevarlich.

Und des zuo warem urkundt, hab Jch mit flyss und ernst erpetten, den ... Herren Sebastian Heinrich Kuon des raaths zuo Ury, und derzyt Landtvogtenn Jnn Freyen ämptern, ... das er sin eigen Jnsigell ... offentlich gedruckt hat, Jnn disen Briefff".

Kopie, vom Landschreiber-Substituten der Freien Aemter, Uriel Seiwitt. Wohl aus dem Besitze des Landschreibers ebenda, Beat II. Zurlauben. AH 92, 117-118